



### **Damonda da baghegiar**

Nr. 06/2024

Datum da publicaziun: 26-01-2024

Patrun: Mognetti Franco, 7172 Rabius

Liug e parcella: Rabius-Via Surrein; 179

Object: nova cuvrida dil parcadi ed adattaziuns vid il carport

Il profils ein tschentai ed il plans da construcziun ein deponi tier la canzlia communal. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 26-01-2024

*Cumissiun da baghegiar*

### **Radunonza da vischnaunca**

La proxima radunonza da vischnaunca ha liug mardis, ils 30 da schaner 2024 allas 20.00 a Rabius.

#### ***Gliesta da tractandas***

1. Avertura e beinvegni
2. Elecziun da 2 dumbravuschs
3. Protocol dalla davosa radunonza communal diils 14-12-2023
4. Tractaziun ed approvaziun dalla lescha davart promoziun da sport (DC 430.000)
5. Tractaziun ed approvaziun dil project reservuar d'aua Chischnès e concessiun dil credit brut da 457'000 francs
6. Tractaziun ed approvaziun dil project da sanaziun dalla Via Camon a Cumpadials e concessiun dil credit brut da 845'000 francs
7. Tractaziun ed approvaziun dil project da sanaziun dallas lingias per la dismessa d'aua Via Camon e concessiun dil credit brut da 272'000 francs
8. Tractaziun ed approvaziun dalla nova senda cun punt dalla Greina e concessiun dil credit brut da 250'000 francs
9. Orientaziuns
10. Varia

Dils documents tier la tractanda 4 sa vegnir priu investa sin canzlia communal durant las uras da spurtegl ni sin la pagina d'internet [www.sumvitg.ch](http://www.sumvitg.ch).

Sumvitg, 26-01-2024

*Suprastonza communal*

### **Alarm d'emprova dallas sirenas**

Mesjamna, **ils 7 da fevrer 2024** han ils alarms d'emprova liug. Igl alarm general vegn fatgs allas 13.30 ed allas 13.45 uras ed igl alarm d'aua allas 14.15 ed allas 15.00 uras. Nus supplichein Vus da prender enconuschientscha da quella informaziun.

Sumvitg, 26-01-2024

*Suprastonza communal*

### **Serrada via Val Sumvitg**

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 26-01-2024

*Departament traffic*

### **Apparats d'udida**

**Gliendisdis, ils 5 da fevrer 2024** saveis Vus schar schubergiar e rugalar Vies apparat d'udida:

9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el PUNTREIS, Center da sanadad a Mustér

Dunna Giger dalla firma Amplifon AG e signur Gfeller dalla firma Jäggi Optik & Hörberatung

AG surprendan comunablamein quei survetsch gratuit per tuts interessents. Ei drova negina annunzia.